## НАМАНГАН ТУМАНЛАРАРО ИҚТИСОДИЙ СУДИНИНГ АЖРИМИ

(даъво аризасини кўрмасдан қолдириш тўгрисида)

## Наманган шахри

2024 йил 15 август

судья: А.Каримов

Наманган туманлараро иктисодий судининг судьяси А.Каримовнинг раислигида, судья ёрдамчиси Т.Тўраевнинг суд мажлиси котиблигида, Наманган вилоят фермер, дехкон хўжаликлари ва томорка ер эгалари кенгаши "Кукумбой чаманзори" фермер хўжалиги манфаатида жавобгар — «Наманган пахта текс» МЧЖ хисобидан жами 5169149 сўм ундириш ва ундирувни гаров мулкига қаратиш ҳақидаги даъво аризасини суд биносида, очик суд муҳокамасида кўриб чиқиб, қуйидагиларни

## аниклади:

Наманган вилоят фермер, деҳқон хўжаликлари ва томорқа ер эгалари кенгаши "Қуқумбой чаманзори" фермер хўжалиги манфаатида судга даъво ариза билан мурожаат қилиб, жавобгар — «Наманган пахта текс» МЧЖ ҳисобидан жами 5169149 сўм ундиришни сўраган.

Тарафлар белгиланган тартибда суд мажлисининг вақти ва жойи тўғрисида хабардор қилинган бўлсада, вакил иштирокини таъминламади хамда даъво талаблари юзасидан ўз фикр ва мулохазаларини билдирмади.

Даъвогар томонидан судга тарафлар ўртасида 2024 йил 5 августда тузилган медиация келишуви такдим этилган.

Суд иш хужжатларига бахо бериб, куйидаги асосларга кўра аризани кўрмасдан қолдиришни лозим топди:

Аникланишича, ишни суд мажлисида кўриш жараёнида тарафлар ўртасида медиатор иштирокида медиатив келишув тузилган. Бу келишув ваколатли шахслар томонидан имзоланган.

Ўзбекистон Республикаси Иқтисодий процессуал кодекси 107-моддасининг  $5^3$ -бандида тарафлар ўртасида медиатив келишув тузилган бўлса, суд даъво аризасини кўрмасдан қолдириши белгиланган.

Шу асосда, суд мазкур аризани кўрмасдан қолдиришни лозим топади.

"Давлат божи тўғрисида" ги Ўзбекистон Республикаси Қонунининг 18-моддаси 9-бандида, агар тарафлар ўртасида медиатив келишув тузилган бўлса, ариза кўрмасдан қолдирилганда давлат божи қайтарилиши лозимлиги назарда тутилган.

Шунга кўра, иш бўйича давлат божи ундирмаслик, тўланган почта харажатини даъвогар зиммасида қолдириш лозим бўлади.

Баён этилганларга кўра ҳамда ИПКнинг 107, 118, 195, 196моддаларини қўллаб, суд

## АЖРИМ ҚИЛДИ:

Наманган вилоят фермер, деҳқон хўжаликлари ва томорқа ер эгалари кенгаши "Қуқумбой чаманзори" фермер хўжалиги манфаатида киритган 2024 йил 5 июндаги 01/04-803-сонли даъво аризаси кўрмасдан қолдирилсин.

Тўланган 34000 сўм почта харажати даъвогар зиммасида қолдирилсин.

Ажрим устидан бир ойлик муддатда шу суд орқали Наманган вилоят судининг иқтисодий ишлар бўйича судлов ҳайъатига апелляция тартибида шикоят қилиш (протест келтириш) мумкин.

Раислик этувчи

А.Каримов

